

Գ Լ Խ Ա Վ Ո Ր Տ Ն Օ Ր Ե Ն Ի Ո Ր Ո Շ ՈՒ Մ

11 դեկտեմբերի 2018 թվականի N ՑՊ-039-12/18

ք. Երևան

**«ԳԼՈՐԱԼ ԿՐԵԴԻՏ» ՈւՆԻՎԵՐՍԱԼ ՎԱՐԿԱՅԻՆ ԿԱԶՄԱԿԵՐՊՈՒԹՅՈՒՆ ՓԱԿ
ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ԱՐԺԵԿՏՐՈՆԱՅԻՆ ՊԱՐՏԱՏՈՄՍԵՐԸ
ՑՈՒՑԱԿԵԼՈՒ ԵՎ ՊԱՐՏԱՏՈՄՍԵՐԻ ՀԻՄՆԱԿԱՆ (Abond) ՑՈՒՑԱԿՈՒՄ
ԸՆԴԳՐԿԵԼՈՒ ՄԱՍԻՆ**

Հիմք ընդունելով «Գլոբալ Կրեդիտ» ՈւՎԿ ՓԲԸ-ի (այսուհետև՝ Ընկերություն) 2018 թվականի նոյեմբերի 30-ի հայտը 10,000 (տասը հազար) ՀՀ դրամ անվանական արժեքով, 36 ամիս շրջանառության ժամկետով, 10% արժեկտրոնային տոկոսադրույքով 50,000 (հիսուն հազար) հատ անվանական պարտատոմսերը ցուցակելու և պարտատոմսերի հիմնական (Abond) ցուցակում ընդգրկելու վերաբերյալ, ինչպես նաև «ՆԱՍԴԱՔ ՕԷՄԷՔՍ ԱՐՄԵՆԻԱ» Բաց բաժնետիրական ընկերության (այսուհետև՝ Օպերատոր) Ցուցակման հանձնաժողովի կողմից 2018 թվականի դեկտեմբերի 05-ին ներկայացված եզրակացությունը,

Ղեկավարվելով Օպերատորի «Արժեթղթերի ցուցակման և առևտրին թույլատրման կանոնների» 11-րդ գլխի 53 կետով և Օպերատորի կանոնադրության 9-րդ գլխի 9.59) կետի գ) ենթակետով, Գլխավոր տնօրենը

Ո Ր Ո Շ ՈՒ Մ Է՝

1. «Գլոբալ Կրեդիտ» ՈւՎԿ ՓԲԸ-ի 10,000 (տասը հազար) ՀՀ դրամ անվանական արժեքով, 36 ամիս շրջանառության ժամկետով, 10% արժեկտրոնային տոկոսադրույքով 50,000 (հիսուն հազար) հատ անվանական պարտատոմսերը, որոնց «Հայաստանի Կենտրոնական Դեպոզիտարիա» ԲԲԸ կողմից շնորհվել է AMGLBLB27ER2 ծածկագիրը, իսկ Օպերատորի կողմից շնորհվել է GLBLB7 հապավումը, ցուցակել և ընդգրկել պարտատոմսերի հիմնական (Abond) ցուցակում, ինչպես նաև թույլատրել դրանցով հասցեական և ռեպո գործարքների կնքումը:
2. Հանձնարարել «Բորսայական ծառայությունների դեպարտամենտ»-ին՝ սույն որոշման ընդունման օրվանից մեկ աշխատանքային օրվա ընթացքում որոշման մեկ օրինակն ուղարկել Ընկերությանը և որոշման մասին տեղեկություններ հրապարակել Օպերատորի առևտրային համակարգի և ինտերնետային կայքի միջոցով:
3. Սույն որոշումն ուժի մեջ է մտնում 2018 թվականի դեկտեմբերի 14-ին:

ԳԼԽԱՎՈՐ ՏՆՕՐԵՆ

ՀԱՅԿ ԵԳԱՆՅԱՆ

